



「大智度論」集粹之六十四

須菩提白佛言：「若衆生畢竟不可得，菩薩爲誰故，行般若波羅蜜？」

佛告須菩提：「菩薩爲實際故，行般若波羅蜜。實際、衆生際異者，菩薩不行般若波羅蜜。實際、衆生際不異，以是故，菩薩摩訶薩爲利益衆生故，行般若波羅蜜。菩薩摩訶薩行般若波羅蜜時，以不壞實際法，立衆生於實際中，實際與衆生際，無二無別。」

須菩提白佛言：「何等是諸菩薩摩訶薩方便力，用是方便力，行般若波羅蜜時，建立衆生於實際，亦不壞實際相？」

佛告須菩提：「若菩薩摩訶薩行般若波羅蜜時，以方便力故，建立衆生於布施。建立已，說布施先、後際空。是布施前際空、後際空，中際亦空。施者空、施報亦空，受者亦空。是一切法實際中不可得。以是報施故，莫著色，莫著受、想、行、識。是布施、布施相空，施者、施報、受者空。又以方便力故，教衆生持戒，除捨殺生法，乃至除捨邪見法。是持戒果報自性空，是中不著不著故心不散，能生智慧，以是智慧斷一切結使煩惱，入無餘涅槃。菩薩所行布施、持戒等，是世俗法，非第一實義，何以故？空中無有滅，亦無使滅者，諸法畢竟空，即是涅槃。」

菩薩見衆生瞋恚惱心，教修行忍辱，作忍辱入，當樂忍辱，所瞋者自性空故。誰瞋？瞋誰？何等是瞋事，是一切法性空，性空法無有所瞋。以是因緣，建立衆生於性空，次第示教利喜，令得阿耨多羅三藐三菩提。此等法亦是世俗法，非第一實義。何以故？是性空中無有得者，無有得法，無有得處，是名實際性空法，爲衆生故行是法，衆生亦不可得，一切法離衆生故。

菩薩見衆生懈怠，方便力故，數令身精進、心精進。諸法性空中無懈怠法，無懈怠者，無懈怠事，是一切法性皆空，無過性

智
銘

「羅波若般行而際實爲薩菩」
蜜

空者。爲善法故莫懈怠。善法者；若布施、若持戒、無忍辱、若精進、若禪定、若智慧，若諸禪定解脫、三昧，若四念處乃至八聖道分，乃至十八不共法，莫懈怠。一切法性空中，當知無碍相，無礙法中無懈怠者，無懈怠法。如是教象生令住性空，不墮二法，是性空無二無別，是無二法，則無可著處。教象生令精進，以方便力故，成就象生，成就已，次第教令得須陀洹等果、道，入菩薩位，令得阿耨多羅三藐三菩提。

菩薩見象生亂心，爲利益象生故，教令當修禪定，莫生亂想，當生一心。何以故？是法性皆空，性空中無有法可得，若亂、若一心。住是三昧，所有作業；若身、若口、若意、若布施乃至禪定等，行性空故，若菩薩行般若波羅蜜方便力，爲利益象生故，從初發意終不懈怠，常求善法。利益象生，終不忘失。是菩薩常得諸陀羅尼，諸根具足，所謂身根、語根、意根是。是菩薩常修一切種智，及一切諸道皆修，住報得神通，利益象生，入生死五道，以禪定利益象生。

菩薩行般若波羅蜜住性空，以方便力故，利益象生，教令觀一切法性空，當作諸業；若身業、若口業、若意業，取甘露味，得甘露果！性空中無有法退。性空中不退，亦無退者，以性空非法亦非非法，於無所有法中，云何當有退？是菩薩自行十善，亦教他行十善，自行禪定、慈心、捨心、四念處、八聖道分、佛十力、乃至八十隨形好，亦教他行。自生阿耨多羅三藐三菩提道，亦教他令得。如是，菩薩行般若波羅蜜方便力故，終不懈怠。

須菩提白佛言：「若諸法性常空，常空中象生不可得，法非法亦不可得，菩薩云何求一切種智？」

佛告須菩提：「諸法性皆空，空中象生不可得，法非法亦不可得。若一切法性不空，菩薩摩訶薩不依性空成阿耨多羅三藐三

菩提，爲象生說性空法。色性空，受、想、行、識性空，菩薩摩訶薩行般若波羅蜜時，說五陰性空法，說十二入、十八界性空法；說四禪、四無量心乃至大慈大悲性空法，說須陀洹果乃至一切種智斷煩惱習性空法。若內空性不空，外空乃至無法有法空性不空者，則壞空性。是性空，不常不斷。何以故？是性空無住處，亦無所從來，亦無所去。是名法住相。是中無法，無聚無散，無增無減、無生無滅、無垢無淨、是爲諸法相。

是菩薩住是中，發阿耨多羅三藐三菩提心，不見法有所發，無發無住，是名法住相。是菩薩行般若波羅蜜時，見一切法性空，不轉阿耨多羅三藐三菩提。何以故？是菩薩不見有法能障礙，是名阿耨多羅三藐三菩提性空。不得象生，不得我，不得人，不得壽，不得命，乃至不得知者見者。性空中色不可得，受、想、行、識不可得，乃至八十隨就好不可得。

菩薩爲象生說性空法，是象生實不可得，以象生墮顛倒故，拔象生令住不顛倒。顛倒即是無顛倒，顛倒、不顛倒雖一相，而多顛倒，少不顛倒。無顛倒處中，則無我、無象生，乃至無知者、見者。無顛倒處中，亦無色，無受、想、行、識，無十二入乃至無阿耨多羅三藐三菩提，是爲諸法性空。菩薩住是中，行般若波羅蜜時，於象生相顛倒中拔出象生：所謂無象生、有象生相中拔出，乃至知者、見者相中拔出。於無色、色相中，無受、想、行、識，受、想八行、識相中拔出象生。

亦有諸無漏法，所謂四念處、四正勤、四如意足、五根、五力、七覺分、八聖道分，如是等法，雖無漏，亦不如第一義相。第一義相者，無作、無爲、無生、無相、無說，是名第一義，亦名性空，亦名諸佛道是中不得象生。乃至不得知者、見者，不得色、受、想、行、識，乃至不得八十隨形好。何以故？菩薩不爲道法故，求阿耨多羅三藐三菩提，爲諸法實相性空故，求阿耨多羅三藐三菩提。是性空前際亦是性空，後際亦是性空，中際亦是

性空。常性空，無不性空時。菩薩行般若波羅蜜，爲衆生著衆生相，欲拔出故，求道種智。求道種智時，徧行一切道。是菩薩具足一切道，拔出衆生於邪想著，淨佛國土已，隨其壽命，得阿耨多羅三藐三菩提。

過去十方諸佛道性空，未來、現在諸佛道亦性空，離性空，世間無道、無道果，要從親近諸佛，聞是諸法性空，行是法，不失薩婆若。

色不異性空，乃至阿耨多羅三藐三菩提不異性空，以是故，菩薩知一切法性空，發意求阿耨多羅三藐三菩提。是中無有法若實若常，但凡夫著色、受、想、行、識，取色相，取受、想、行、識相，有我心，著內外物故，受後身：色、受、想、行、識，是故不得脫生、老、病、死、愁憂、苦惱，往來五道。以是事故，菩薩行性空波羅蜜，不壞色等諸法相。若空、若不空。色不壞色空相，色空相不壞色。是二相無有性能有所壞。

菩薩摩訶薩住色相中，住受、想、行、識相中，乃至住阿耨多羅三藐三菩提相中，能具足十地，乃至阿耨多羅三藐三菩提。是相寂滅，無有法能增能減，能生能滅，能垢能淨，能得道、能得果。世諦法故，菩薩摩訶薩得阿耨多羅三藐三菩提，非第一實義。第一實義中，無有色，乃至無有阿耨多羅三藐三菩提，亦無行阿耨多羅三藐三菩提者。是一切法，皆以世諦故說，非第一義。

世諦法故，說名菩薩，說名色、受、想、行、識，乃至一切種智。是菩提中無法可得，以諸法性空故。諸法性空當不可得，何況得初地心乃至十地心，乃至一切佛法當有所得，無有是處！如是，菩薩摩訶薩行阿耨多羅三藐三菩提，得阿耨多羅三藐三菩提，利益衆生。」

以上是須菩提問佛：若衆生畢竟空，菩薩爲誰故，行般若波

羅密？佛告以：菩薩爲一切實法故，行般若波羅密，實法即是實際。

初發意菩薩，但爲滅衆生苦故，發大悲心。苦者，所謂老、病、死等，及身心衰老。云何滅是苦？尋苦因緣，由生故，何因緣故有老、病、死？以有生故。

衆生不知由生有苦，若遭苦時，但怨恨人，自不將適，初不怨生，以是故增長結使，重增生法，不知真實苦因，有生必有死，有死必有苦，是故知生實是苦本。菩薩既得苦因緣，復推生因緣，生因緣者『有』。『有』一分三種：欲有、色有、無色有。著是三有，起善惡業，是生因。

有因者，四種取，取因緣者，愛等諸煩惱。小者未能起業故，名爲愛；增長能起業故，名爲取。欲取、見取、戒取、我語取。取著是四事故，能起種種業。

愛因緣，三種受，受因緣者，眼等六種觸。觸名受等諸心數法，情、塵、識三事和合故，心中生受等心數法。根本雖三事，和合故生觸，爲六情依止住處故，但說六入。六入因緣名色，六入雖即是名色分，成就名六入，未成就名名色。色成就名五入，名成就名一入。是胎中時因緣次第，名名色。名色因緣是識，若識不入胎初，胎初則爛壞。識名中陰中五衆，是五衆細故，但名爲識。若識不入而成胎者，如一切和合時，皆應成胎。

識之入胎，是行因緣，行即是過去三種業，業將識入胎，如風吹絕焰空中而去。焰則依止於風。先世作人身時，然六識故，命終時業將識入胎。

今世業爲未來有故名爲有。今業過去世已滅盡，但有名，名爲行。是行因緣名無明，一切煩惱雖是過去業因緣，無明是根本故，但名無明。今世現在著愛，取多故，愛、取是名。過去世中，是疑、邪見處故，但名無明，今得一切苦惱根本，是

無明。

菩薩思惟：爲人從苦得脫故，求苦因緣。衆生過去、現在、死等苦，不可得除，爲除未來世老、死苦，斷相續不令復生。過去苦已滅，無所復能，現在苦惱，先世因緣成就故不可却。但破未來世老、死等苦因緣故，破是生法，老、死等苦自然永滅。是故，菩薩欲滅未來世老、死等苦因緣生，得現在有等八因緣；一名有漏業，二名現在世諸煩惱，所謂四取、一愛。是二種煩惱，從二心數法生，所謂受及觸。

觸能生一切心數法，受前生故，得名觸是受因緣。受雖能生三毒，一切衆生，愛是舊煩惱。觸因緣是內六入。雖有外六入，內六入無故，觸等心數法不生，是故內六入得名。

名色是六入因緣，初入胎識，是名色因緣，名色在胎中，此中雖有六入，未成就未可用故，未得名字。既生嬰孩，未能有所作，但有六入。轉大有六觸，但有觸未知有苦樂。轉大受苦樂，未深愛著。無及成人，得苦生患，得樂生愛。求樂具故，取欲等四取，取時能起善惡業。若知先一世無明業因緣，則億萬世可知。若無明因緣更求其本，則無窮。即墮邊見，失涅槃道，是故不應求。若更求，則墮戲論，非是佛法。菩薩欲斷無明故，求無明體相，求時即入畢竟空。何以故？無明相：內法不知，外法不知，內外法不知。菩薩以內空觀內法，內法即空；以外空觀外法，外法即空；以內外空觀內外法，內外法即空。如是等一切是無明相。

菩薩求無明體，即時是明，所謂諸法實相名爲實際。觀諸法如幻、如化，衆生顛倒因緣故，起諸煩惱，作惡罪業，輪轉五道，受生死苦。初生時未有煩惱，後自生貪欲、瞋恚等諸煩惱，是煩惱因緣故，覆眞智慧，轉身受地獄火燒湯煮。菩薩知是法本末皆空，但衆生顛倒錯故，受如是苦。

菩薩於此衆生起大悲心，欲破是顛倒故，求於實法，行般若

波羅蜜，通達實際，種種因緣教化衆生，令住實際。衆生與實際不異，若衆生與實際異，菩薩不應行般若波羅蜜。異者，實際是畢竟空，衆生實際是決定有。但求衆生實有不可得。今衆生實際不異實際，故行般若，欲覺悟狂顛倒凡夫故，行般若波羅蜜，令衆生住實際中，而不壞實際。

菩薩以方便力故，建立衆生於實際，而衆生、實際不異，一亦不可得。若是一，則壞實際相，所以者何？得是一性故。菩薩知是二法，不一不二，亦不一，亦不二，畢竟寂滅無戲論相。菩薩生大悲心，但欲拔出衆生離於顛倒故，教化衆生。

菩薩行般若時，以方便力故，建立衆生於檀中，說檀先際、後際空，中際亦空。衆生聞已發心，折薄煩惱，深著布施，菩薩憐愍衆生，先從慳中拔出，後著布施。是故菩薩爲說布施實相，所謂畢竟空。布施三世空，施者、受者、果報亦如是。莫著布施等法，若不念、不著如布施體相，如是布施者，則得甘露味、甘露果。甘露味者是八聖道分，甘露果者是涅槃。菩薩雖住實際中，以方便力，布施門度衆生。餘波羅蜜亦如是。

菩薩安立性空中，能行是布施等諸法。菩薩知諸法實相，住是中，能得阿耨多羅三藐三菩提，諸法實相者，即是空。若一切法性不空，菩薩不應住是諸法性空中，得阿耨多羅三藐三菩提，爲衆生說空性法：所謂色性空，受、想、行、識性空，乃至爲衆生說一切種智，斷煩惱習性空法。十八空，若性不空，是爲壞空體。何以故？十八空能令一切法空，若自不空，則爲虛誑，又若不空者，則墮常邊著處，能生煩惱，性空無實住處，無所從來，去無所至，是名常住法相。常住法相，是性空之異名，亦名諸法實相。是相中，無生無滅，無增無減，無垢無淨。菩薩住是中，見一切法性空。於阿耨多羅三藐三菩提不退、不疑、不悔。何以故？不見諸法障礙者，以方便力故，度衆生。方便力者，畢竟無法，亦無衆生，而度衆生。

（下轉第24頁）

正文讀誦純熟再將（賢首大師）「義記」、「別記」悉心研究。於出世之道，思過半矣」。賢首以「大乘起信論」發揮「華嚴經」思想。建立起華嚴宗教理。楊仁山居士則認為：「以一切佛法，入念佛一門，即從『華嚴經』融攝無礙之旨也」。他還認為：「淨土一門，括盡一切法門，一切法門，皆趨淨土一門」。因此，現代學者皆認為楊仁山居士「教宗賢首，行在彌陀」。

楊仁山居士對於淨土之理，深有研究，且力躬其行。他還著有「觀無量壽經畧論」。我們統觀楊仁山居士的淨土思想，是既繼承淨土宗諸祖。而在行持上則有所獨特，現簡單敘述於下：

淨宗諸祖，初重觀想念佛。以後諸師均主張持名念佛。謂「末法眾生，根機陋劣，非持名無以出離生死。」與他同時尚有淨宗十三祖印光（1861—1949）大師，尤倡持名念佛。楊仁山居士則認為單持名號或一心專念。日久易於疲勞，以致產生懈怠，甚至走入歧途。因此必須「以深妙經論，消去妄情，策勵志氣，勇銳直前，方免中途退墮也」。〈見「學佛淺說」〉。他認為淨土法門的行持，應以觀想、持名兼修，在他所著的「觀無量壽經畧論」中說：「此經專重觀想，小經專主持名。近代諸師，以觀法深微，根鈍難入。即專主持名一門，若觀想逕可不用，何以大小二經皆詳演極樂世界，依正莊嚴耶？」他在「十宗畧說」中又特別指出：「此宗以觀想，持名兼修為上」。

近世淨宗一般認為：要往生西方極樂世界，皆仗彌陀接引之力。他則認為修持必須以「三經一論為津梁」，大力倡導自他二力並運的旨趣。他曾說：「蓋生品之高低，見佛之遲速。證道之淺深。受記之先後。皆在自力修行上分別等差。」此理純與淨宗諸祖之見相合。惟在行持上主張觀想、持名兼修的原則，在近世說來，可認為是他的獨到之處。

楊仁山居士本人「獨尊賢首，行在彌陀」，而他在佛學上則諸宗兼顧，對接近於他的學人就因材施教，各就其所長分別鼓勵深入餘宗，絕對沒有門戶之見，這對於現代各宗派在弘法時，各執唯我獨「是」的人，應從中得到教益！

（上接第28頁「菩薩為實際而行般若波羅蜜」）

菩薩欲滿本願故，又不著性空，故有度眾生。性空中眾生不可得，知者、見者不可得，而菩薩立是法為眾生說，是世諦故，非是實。眾生無有定實，但欲於顛倒中拔出眾生，著無顛倒中。無顛倒亦無處所，是中無眾生，乃至無知者、見者。雖空性一相，而顛倒多，不顛倒少，是故貴是性空不顛倒法。菩薩住此中，但破眾生妄想，不破眾生。又無漏法，雖是無漏，以生滅故，不如第一義。

是性空，一切諸佛唯有是道，更無異道。何以故？諸佛皆求實智不懷不異法，雖有十力、四無所畏諸異法，不名為一道。所以者何？此皆是有為法，轉變無常故。性空、菩薩道，第一義中無分別，世諦中有分別。是菩薩知一切法性空故，能行一切種種度眾生。具足一切道，淨佛國土，教化眾生，得阿耨多羅三藐三菩提時，隨意壽命。菩薩得無生法忍，入如幻菩薩道，能一時變化千億萬身，周徧十方，具足一切菩薩道，處處國中，隨眾生壽命長短而受其形。

一切法性空，是諸佛眞法，若得是法，則名為佛。若說此法，名為度眾生。三世佛皆亦如是。離是性空，則無道果。若離性別有定法，則取相生著，著故亦無離欲，無離欲故則無道果。若離性空，雖行布施、持戒、行慈、悲等善法力故，雖不墮惡道，生天福盡，還墮惡道，如本無異，行性空法，亦不著性空，即是涅槃，無退失。

菩薩住色相，乃至菩提相中住，得阿耨多羅三藐三菩提。不捨色等法，亦不著菩提相，知色等法即是菩提，常寂滅無法，若增若減、若垢若淨、若得道，若得果。但世諦故說，菩薩得阿耨多羅三藐三菩提，第一義中無有色，乃至菩提，世諦法故說有菩薩，說有色等乃至菩提。菩提中無有是法，亦無眾生，亦無菩提。諸法性是一切法根本，當不可得，何況六波羅蜜等是作法當有定實！如是菩薩行是諸法性，得佛時，能大利益眾生。（完）